



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 86. Hæretici in Anglia extremo supplicio mulctati.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

„quam omisit adjicere animum ad mo-
 „rum emendationem, cunctis exemplo
 „futuram; sed res duplici de causa
 „diutius fuit protracta, & propter Ec-
 „clesiasticorum repugnantiam, ne cor-
 „rigerentur, & propter vim, & iniquam
 „potestatis usurpationem, quam laici
 „Magistratus adversus Ecclesiæ jus exer-
 „cebant. Priori parti consuluit tandem
 „Pontifex quoad plura, & præcipua ca-
 „pita per Diploma jam digestum, brevi
 „promulgandum; posteriori vero opus
 „est, ut Principum pietas, auctoritas-
 „que prospiceret. In illo Diplomate viri
 „Ecclesiastici reformantur ducto initio
 „a Romani Pontificis creatione usque
 „ad infimum ipsorum gradum. Ec-
 „quidem oportuisset eas Sanctiones con-
 „ficere, quæ possent in quacunque re-
 „gione ad opus deduci; multis tamen
 „rebus fuit consultum, quæ præsertim
 „in Ecclesiis Hispanicis ad bonum regi-
 „men, rectamque vivendi rationem spe-
 „ctabant: si vero illud Diploma satis
 „non esset, præsto est Pontifex ad ea
 „omnia adjicienda, de quibus commo-
 „neretur, dummodo vicissim abusus
 „laicæ potestatis abolerentur.,

Sæcul. XVI.
 A.C. 1555.

§. LXXXVI.

*Hæretici in Anglia extremo supplicio
 mulctati.*

K 2

His

Sæcul. XVI.
A.C. 1555.

Sleid. comm.
l. 25. p. 956.
Burnet hist.
de la ref.
tom. 2. l. 2.
p. 452.
Spond. ann.
ad hunc
ann. n. 1.

His itaque mediis summus Pontifex Philippum, & Mariam ad Sedis Apostolicæ Auctoritatem in Anglia penitus restaurandam inclinare nitebatur: cum ergo sancitum esset, quod leges in nupero Senatu contra hæreticos latæ in usum exacte deducerentur, hinc Gardinerus hæc leges exequi statuit, ut hæreticos aut ad Ecclesiæ finem revocaret, aut eos harum legum severitati sese subicere compelleret: Igitur die vigesima secunda Januarii Rogerius Londini Cathedralis Ecclesiæ Canonicus coram Cancellario de fidei suæ ratione interrogabatur, cum autem palam Lutheri sectam profiteretur, die quarta Februarii rogi supplicio affectus est. Postea Hopperus Glocestriensis Episcopus sua dignitate Londini exutus inde ad suum Episcopatum abducebatur, ut ibidem die nona Februarii pari fate hæresis suæ poenas lueret. His duobus ita mulctatis postmodum Sanderus, & Taylorus ambo Viri Ecclesiastici novæ reformationis studiosissimi comburebantur, & quidem horum primus Conventrii die octava Februarii, alter vero Hadlei, ubi Parochi munus agebat, id supplicii genus subibat. Postmodum aliquibus Bretfordi eodem tempore ad mortem condemnatis supplicium usque ad nova Senatus mandata dif-
fere-

ferebatur, sex tamen alii de hæresis Sæcul. XVI.
 crimine convicti ad carceres trahebantur: die vero decima sexta Martii Thomas Thompikius Textor, cum realem A.C. 1555.
 Christi præsentiam pernegaret, Londini exustus fuit. Demum die vigesima octava ejusdem Mensis, necnon subsequenti tempore in Exoniensi Provincia duo Nobiles Caustanus, & Higgedus, necnon Guilielmus Pigotus Braintrii, necnon Stephanus Knigthius Camularlani, ac denique quidam Presbyter Joannes Laurencia Clocestriæ idem supplicium subiere, nec minus Ferrarus Sancti Davidis Episcopus, cum in eum die decima tertia Martii mortis sententia fuisset pronuntiata, die trigesima igne crematus obiit: alius autem Presbyter nomine Georgius Marchia die vigesima quarta Aprilis Cestriæ sub carnificis manu vitam finivit. Verum cum populus cruento hoc spectaculo haud parum exasperaretur, ac Philippus sese odio exponeret plurimorum, qui nativa indole ad mansuetudinem, ac pietatem propensi Principem, quem hujus severitatis Auctorem existimabant, tolerare haud poterant, hinc ejusmodi suppliciorum executio usque ad Maji exitum differebatur.